

**MEMORANDUM O RAZUMIJEVANJU O PRIKLJUČENJU STAMBENIH OBJEKATA
POVRATNIKA NA ELEKTRODISTRIBUCIJSKU MREŽU U BOSNI I HERCEGOVINI**

Strane:

Ministarstvo za ljudska prava i izbjeglice
Ministarstvo privrede, energetike i razvoja Republike Srpske
Ministarstvo energije, rudarstva i industrije Federacije Bosne i Hercegovine
Javno preduzeće Elektroprivreda Bosne i Hercegovine
Elektroprivreda Hrvatske zajednice Herceg Bosne
Elektroprivreda Republike Srpske

Svjedoci:

Ured visokog predstavnika za Bosnu i Hercegovinu (OHR)
Organizacija za sigurnost i saradnju u Evropi (OSCE)
Visoki komesarijat za izbjeglice Ujedinjenih naroda (UNHCR)

Strane potpisnice ovog sporazuma prihvataju svoje obaveze u smislu Aneksa 7 Općeg okvirnog sporazuma za mir u Bosni i Hercegovini u cijelosti, te posebno člana II, i sporazumijevaju se o slijedećem:

Član 1. Svrha

Ovim Memorandumom o razumijevanju Strane se slažu da se povratnicima osigura jednak i nediskriminirajući pristup elektrodistribucijskoj mreži na cijeloj teritoriji Bosne i Hercegovine.

Član 2. Rekonstrukcija mreže na povratničkim područjima

1. Strane prihvataju da prvenstvena odgovornost za rekonstrukciju elektrodistribucijskih mreža pripada elektropreduzećima koja su i vlasnici elektrodistribucijskih mreža na području njihove odgovornosti.
2. Strane dalje prihvataju da je sadašnje stanje elektrodistribucijskih mreža i finansijska situacija elektropreduzeća takva da ozbiljno ograničava sposobnost tih poduzeća da odgovore zahtjevima. Elektropreduzeća će usko surađivati sa općinama, Regionalnim centrima Ministarstva za ljudska prava i izbjeglice, donatorima i drugim nadležnim institucijama, u cilju iznalaženja sredstava i ubrzanja procesa rekonstrukcije mreža na povratničkim područjima.
3. Elektropreduzeća će pri korištenju doniranih roba, materijala, novca dati prioritet povratničkim stambenim jedinicama i povratničkim lokacijama, te će u ove svrhe koristiti i vlastita namjenska sredstva .

Član 3. Brojila

1. Povratnik neće imati obavezu da sam nabavlja ili finansira nabavku brojila.
2. U slučaju individualnih povrataka u stambene jedinice gdje nedostaju samo brojila, elektropreduzeća će osigurati monofazno, jednotarifno brojilo.
3. U slučaju kada donatori osiguraju brojila, elektropreduzeća će prihvatiti bilo koji tip brojila koji je odobren od strane Instituta za standardizaciju i mjeriteljstvo Bosne i Hercegovine. Ovakva brojila moraju biti nova i nekorištena.

Član 4. Tehnički uslovi

Ponovno priključenje na postojeću instalaciju će se omogućiti bez prethodnog atesta, na osnovu pismene Izjave potrošača o ispravnosti postojeće instalacije.

Član 5. Naknade i takse

1. Neće se naplaćivati jednokratna naknada za angažovanu snagu električne energije (kW) do vrijednosti proračunate za veličinu i odlike prijeratnog objekta.
2. Neće se naplaćivati nikakva naknada (taksa) za ponovnu prijavu priključenja prijeratnog objekta.

Član 6. Drugi troškovi

Neće se naplaćivati troškovi radne snage za priključak ili dio priključka do 50 m, ako se isti ne mijenja u odnosu na prijeratni.

Član 7. Primjena

O ovom Memorandumu o razumijevanju Elektropreduzeća će odmah obavijestiti svoje urede i proslijediti obavijest širokoj javnosti.